

**INATSIARTUT
OMBUDSMANDIATA
UKIUMOORTUMIK
NALUNAARUTAA
1998**

32 - 2 **Suliassat sularineqartarnerat pillugu inatsisip atulersinneqarnera sioqqullugu soraarsitsineq suliame illua'tungiusumik tusarniaasimanninneq pissutigalugu atorsinnaangitsoq. Aammattaaq suliame paasisutissanik naammattunik paasisutissiissoqarsimannitsoq. Naammaginangitsumik tunngavilersuuteqartoqarsimasoq.**

Sunnigiffimmi sammisaqartitsivimmi ikiortitut sulisoq, A, 1994-imi septembarip qaammataani qinnuteqaatiginngisaminik soraarsinneqarpoq, A-p meeqqanut sunngiffimmi sammisaqartitsivimmiittunut iliuutsinik tiingaviginninniartutut paasineqarsinnaasunik iliuuseqarsimanera pissutigalugu. Soraarsitsinermi innersuussutigineqarportaaq A siornatigut sammisaqartitsivimmi pisortaasumit meeqqanut sammisaqartitsivimmiittunut eqqortumik pissusilersornissaanik "ilitsersorneqarsimasoq".

A-p soraarsinneqarnini aammalu suliap suliareqqinneqarnissaa pillugu A-p qinnuteqaataanik kommunip pineqartup itigartitsisuteqarnera naammagittaalliuutigai.

Naak soraarsinneqarneq pillugu naammagittaalliuut ombudsmandi pillugu inatsimmi § 6, imm. 2 naapertorlugu pisoqalisoorsimagaluartoq ombudsmandi pillugu inatsimmi § 6, imm. 5 naapertorlugu Ombudsmandi aalajangerpoq soraarsitaaneq taamatullu A-p naammagittaalliummi naliliivigeqqinneqarnissaa pillugu qinnuteqaataanik kommunip itigartitsinera misissuiffiginirlugit.

Ombudsmandi isumaqarpoq A-p soraarsinneqaarneranut tunngaviusoq nalorninaateqartoq, A-llu soraarsitaanera atorsinnaangitsoq, A-p soraarsitsinissaq sioqqullugu suliame illua'tungiusutut tusarniaavigineqarsimanninnera pissutigalugu.

Tulliullugu Ombudsmandi isumaqarpoq A-p soraarsinneqarneranut kommunip tunngavilersuutigisaa ingerlatsinermut inatsiseqartitsinerup aalajangiinernut nammakkersuutaasunik pissusilinnut tunngavilersuuteqarnissamik piimaasaqaateqarneranik piviusunngortitsinngitsoq.

Kiisalu Ombudsmandi isumaqarpoq oqaaseqaatit marluk, A-p soraarsinneqarnissaanut tapersersuutaasut, A-p atorfeqarfigisaani sulisunit oqaaseqaatigineqarsimasut, soraarsitsinermut tunngavilersuutitut atorineqarsinnaangitsut, oqaaseqaatigisat soraarsitsinerup pereernerata kingorna oqaaseqaatigineqarsimasutut isumaqarfigisariaqarnerat pissutigalugu.

Soraarsitsinermi amigaatit allaaserineqartut pissutigalugit Ombudsmandip kommuni qinnuigaa tamanna pillugu qanoq iliuuseqalersaarnerminik nalunaaruteqaqqullugu.

Ombudsmandip isornartorsiortariaqarsoraa kommunip inatsisip naapertorlugit innarlitsaalineqarnissamut qularnaveeqqusiiner-

mik, qinnuteqaataangitsumik soraarsitsinissaq pillugu aalajangerneq sioqqullugu suliami illua tungiusumut tusarniaasussaanerup ersiutigisaanik, A qulakkeerussimannngimmagu, taamatutaarlu kommunip naammaginangitsumik tunngavilersuuteqarnera Ombudsmandip isornartorsiortariaqarsorisimavaa.

Aammattaaq Ombudsmandip isornarluinnartuusoraa suliaq allatigut suliami paasissutissanik amigaateqarmat, matumani aamma allattuisussaatitaanerup suliami maleruarneqarsimannginera ilanngullugu, aammalu A-p suliffimmini pissusilersuutai pillugit A-mut siusinnerusukkut peqqussuteqarfiginninneq kommunip suliami allagaataanut allatorneqarsimannngimmat.

Allaganngukkanik uppernarsaatissaqannginneq immiini soraarsitsinermut tunngaviusoq pillugu annertuumik nalornissuteqalersitsisussaavoq.

Suliaq suliareqqinneqarnissaa pillugu A-p qinnuteqaataanik itigartitsinissaq pillugu kommunip 15. marts 1995-imi aalajangerneranut tunngasumik Ombudsmandip isornartorsiortariaqarsoraa kommunip naliliiviginngitsoorsimammagu qinnuteqaat paasissutissallu, aammattaaq soraarsitsinerup kingorna kommunimut saqqummiunneqarsimasut, suliami pissusiviusunik ima allanngortitsitigisimanersut, suliaq suliareqqinneqartussanngorluni.

Tamatumunnga peqatigitillugu Ombudsmandip isornartorsiorpaa kommuni suliap suliareqqinneqarnissaanik itigartitsinermut atatillugu suliaat suliarineqartarnerat pillugu inatsisip § 24-ani, imm. 2-mi tunngavilersuuteqanissamik piumasaaqateqarnermik maleruaasimannngimmat. (J.nr. 11.32.20.0./89-96)

Kommunip 22. maj 1998-imi oqarasuaatikkut maanga nalunaaruteqarnera malillugu A kommunip sunngiffimmi sammisaqartitsiviani F-imi ikiortitut 5. maj 1994-imi atorfinitsinneqarpoq, ilinniagaqarsimasut ilinniagaqarsimannngitsullu qaammammusiallit pillugit SIK-p Naalakkersuisullu 13. juli 1993-imi isumaqatigiissutaat tunngavigalugu.

F-imi pisortaq A-mut 28. september 1994-imi imatut allappoq:

"F-imi ikiortitut atorfinnit qinnuteqaataangitsumik soraarsitaanerit matumuuna nalunaarutigissavara.

Niviarsiaqqanut ukiukinnerusunut aammalumi klubbimi ilaasortanut allanut eqqortumik pissusilersortarnissat pillugu ataani atsiortumit siusinnerusukkut siunnerorneqarlutillu ilitserorneqarsimavutit, pingaartumik iliuitsit, attaviginninnerit aamma/imaluunniit attualaarinerit tiingavigininniarnerit paasineqarsinnaasut eqqarsaatigalugit. Kisiannili illit tamatumunnga maleruaaniarsimannngilatit, tamannalu uannit oqaasiinnakkut assersuuteqarnikkut ilinnut erseqqissumik oqaatigineqartarsimavoq, tamannali siusinnerusukkut inassutigisimasannik paasinninnermik tunuarsimaarnermilluunniit takutitsivigisinnaasarsimannngilat, taamaammallu allatut ilioriarfissaqannginnama ingerlaannartumik soraarsitaaninnik nalunaarfigisariaqarpakkit.

Kisiannili tiinganiarneq siunertaralugu piaaralutit taama iliuseqartarsimagunannginninni ilumoornerarsinnaavakkit."

F-imi pisortap allakkami issuarneqartut assilineri kommunip kultureqarnermut atuartitaanermullu ingerlatsivianut ingerlatippai.

Kultureqarnermut atuartitaanermullu ingerlatsiviup F-imi pisortaq 11. oktober 1994-imi ima allaffigaa:

"Allakkat 28.09.-mi ullulernerqarsimasut assilinerisigut ikiortip A-p soraarsinnegarnera pillugu ilisimatipparma, kingornalu innimiilliortanerit, meeqqanut atugaritinneqarsimasutut isumaqarfisasi taakkua, pillugit pissusiusut meeqqanut pineqartunut qanoq aaqiivigineqarnissaat oqarasuaatikkut oqaloqatigiissutigisimallutigu.

Tamatuma kingorna kingullermillu 10.10-mi A maanga KUF-imut saaffiginnippoq, soraarsitaaninilu naammagittaalliuutigalugu.

Suliaq maani nammineerluta oqaloqatigiissutigisimavarput, uangalu ajornartorsitersi paasilluarsinnaasorujussuvara, kisianni taamaakkaluartoq pisimasut erseqqisut ajornangippallu sulisut pisimasunik uppenarsaanerat ilanngullugu innersuusutigalugu soraarsitsinermut tunngavilersuutaasoq itisileriffigeqqullugu qinnuigisariaqarpakkit.

Paatsuungasoqaqqunagu aammattaaq malugeqqussavara kommunip soraarsitsinermi periuuserisartagai tassaammata siullermik oqaasiinnakkut tullianillu allakkatigut mianersoqqusinerit naggataatigullu soraarsitsivinnek.

Taakku tamarmik allaganngortinneqassapput, pineqartumillu takuneqarnerat atsiornikkut uppenarsarneqarluni.

Soraarsitsinermi tunngavilersuutaasup allakkatigut itisilernissaa A-mut neriorsuutigisimavara, taamaammatt qinnuigaakkit Inneruulani sulinera qanoq iliornerilu pillugit sapinngisamik piaarnerpaamik nassuiaateqaqqullutit."

Ulloq taanna F-imi pisortaq kommunip kultureqarnermut atuartitaanermullu ingerlatsivianut nassuiaammik imaattumik nassiussivoq, oqaaseqaatinik marlunnik ilaqartinneqartumik, F-imi sulisuneersuugunartunik, aappaa "okt. 94"-imi ullulernerqarsimasooq missingersuutitut ilusilik. Sulisut oqaaseqaataasa aappaat sulisunit arfineq marlunnit atsiorneqarsimavoq, aappaatali atsiorneqarsimaneranut takussutissaqarani. Aammattaaq oqaaseqaatit taakku marluk ulluligaanngillat, imarisaali malissagaanni naammagittaalliuuteqartup soraarsitaanerata kingorna allagaasimallutik:

A-p F-imi atorfeqartinneqartutut sulineranik malinnaanerit matumuuna nassiuneqarput.

Ingerlanera annertunerusutigut sulisut atsiorsimasaanni allaaserineqarnertutut pisimasooq uppenarsarsinnaavara, taamaattorli angajoqqaanit A-mut saaffiginnittoqartarsimanagera kingusinnerusukkut aatsaat paasisimallugu.

Ilaatigut sulisut kajumissaaruteqarnerat ilaatigullu nammineq qimerloorsimasakka tunngavigalugit A oqaloqatigisimavara, ajornartorsiutillu taassumunnga saqqummiullugit.

Oqaloqatigiinnermi tassani A-p suliassaq imaannaanngitsutut isigerusunngivippaa, isumaqaramimi meeqqanut pissusilersortarnini isornartorsiorneqarsinnaanngivissoq. Taamaalillunga paaqqinniffiup anguniaagaanut naapertuuttumik A-p sulinerani sulisut meeqqallu/klubbimilu ilaasortat ataasiakkaat akornanni pissutsit pitsaanerulersinneqarnissaannut ataatsimoortumik tunngavissanik pilersitsisoqarsinnaasimangimmat, atorfeqartinneqarnerup taamaatinneqarnissaa isumannaatsutuutut isigisimavara.

Tassunga ilanngullugu oqaatigineqassaaq kingusinnerusukkut paasisimagiga A matumani tunngavigineqartut assinginik tunngaveqartumik ...-mit ...-illu siusinnerusukkut soraarsinneqarnikuusimasoq/peersinneqarnikuusimasoq. Aammattaaq A-p atorfeqartitaanermi atorunnaarsinneqarnerata kingorna "meeraatitta" ilaat qassiit suli attaveqarfigisarsimavai, naapeqatigisarlugit piffissanilu atuareernerup kingorna paarsivimmiiiffissaasa nalaanni angerlarsimaffimminut qaaqusarsimallugit."

Sulisut atsiorlutik oqaaseqaataat imatut oqaasertaqarpoq:

"Sunngiffimmi sammisassaqaartitsivimmi sulisut ataani atsiortugut matumuuna uppersassavarput A-p F-imi meeqqanut klubbimilu ilaasortanut imatut pissusilersortarnera maluginiarsimagatsigu, sammisassaqaartitsiviullu pisortaanut saaffiginnisimalluta:

1. A-p meeqqanut pissusilersornera nammineerluni naamminiinarmullu tunngasumik pissusilersornertut erseqqissumik pissuseqarmat.
3. Qitinnermi ("qitinnermik ilinniartitsinermi") A isigineqarsorinngikkaangami tiinganiarnertut sakkortuumik paasineqarsinnaasumik ingeersartartoq, ilaatigullu tamatumunnga atatillugu nammineq kinguaassiuutiminik attuualarisooq takuneqarsimalluni.
4. Meeqqat isigitillugit kivileriarluni insulinimik kapuummik imminut kapisooq takuneqarsimasooq.
5. Meeqqat mamakujunnik, pinnersaatnik allanillu tuniorartarai, kiisalu suliffiup nalaani avataanilu meeqqat arlallit nammineq iniminut qaaqusarsimallugit.
6. Angajoqqaat A-mut nammineerlutik saaffiginnittarsimasut, mamakujunnillu il.il. meeqqanut tunioraasaranera uparuarsimallugu.

Tamakku tunngavigalugit A-p sulisorineqarnera pillugu sammisassaqaartitsiviup pisortaata iliuuserisimasaanik naammagisimaarinninnerput oqaatigisariaqarparput."

Oqaaseqaat atsiorneqarsimanngitsoq imatut oqaasertaqarpoq:

"Siusinnerusukkut suleqatigisimasaq A pillugu F-imi sulisut nassuiaataat.

Sulisut akornanni isumaqatigiittoqarpoq A-p suliffimmi meeqqanut inuusuttuaqqanullu pissusilersornera ulorianarpallaartoq.

A-p meeqqanik niviarsiaqqanillu inuusuttuarangulersunik ilinniartitsinera taakununnгалu pissusilersortarnera sulisut toqqissisimanartinnigilaat.

Assersuutigalugu qiteriaatsinik, sakkortuumik tiinganiarnermik qaninniarpallaarnermillu ersersitsiniarpallaartunik ilinniartittarpai, erseqqissarneqassaarlu niviarsiaqqanik inuusuttuarangulersunik attuualarinermik sulisut sinnerisa nuannarinngisaattut ittumik attuualarisarmat.

Aammattaaq nalunaarutigineqassaaq suliffiup nalaani avataanilu meeqqat angerlarsimaffimminut angerlaattarmagit, nerisillugit imeruusaatitortillugillu, mamakujuttortittarlugit kiisalu pinnersaatnik, soorlu iverutinik akisuunik inuusianillu iga-laaminernik sanaanik tuniorartarlugit.

Sulisut arlallit A niviarsiaqqanik mikisunik uppataasigut nuluisigullu attuualarisooq takussarsimavaat, inequnarnerarlugit kusanarnerarlugillu alligunillu qanoq pile-rinartigilernissaannik oqaluffigigai tusaasimallugu. Angajoqqaat A-mut nammineerlutik saaffiginnittarsimapput, meeqqallu imminut angerlaattassanngikkai oqaluffigalugu, tamannali A-p qisuariarfigisimanngilaa.

Taamaattumik sulisut isumartik sammisassaqaartitsiviup pisortaanut saqqummiusimavaat, pissutsillu toqqissisimanannginnerarsimallugit.

Sulisut nalilerpaat A suliffimmi meeqqanik inuusuttunillu sullissiviusumi sulisut naleqqutinngitsoq."

Kommunip 17. oktober 1994-imi paasissutissiinera malillugu naammagittaalliuuteqartoq naammagittaalliuutigisami naliliiffigeqqinneqarnissaa-nik qinnuteqaammik ullulerneqarsimannigsumik imaattumik kommunimut akissuteqarpoq:

"Siffissamik aalatitsisarnerit tiinganiarnertut paasineqarsinnaanerat pillugu siu-sinnerusukkut siunnersorneqarlungalu ilitersoneqarsimavunga, tamannalu imaan-naangilluinnartumik tigusimavara.

Pingaartumik meeqqat qitinnermik takutitsinissaannik sammisaqartittarsima-vakka, qitinnerillu tamarmik meeqqanit ikinnerpaamik aqqanilinnit tamatigut peqa-taaffigineqartarput. Qitilluni takutitsinerit marluk kingorna angajulliunerusut nukar-liunerusut sungiusarneranni peqataalersarput, taamaattumillu takutitseqataasut aq-qanilinnit amerlanerusarnissaat naatsorsuutigilluinnartarpara.

28.9. nal. 21.15 ataani atsiortumit qaaqquneqarpunga oqaloqatigiumaneqarlunga.

Siullermik angajoqqaanik sianertoqarsimanerarlugu oqarpoq, nivarsiaqqan-goog ilaat attuuasimagikka, tamatumali upperinissaa sakkortunerpaamik nangar-para, pingaartumik meeqqanik qanimut attaveqartarsimanera ilisimasaqarneralu pis-sutigalugit.

Siffissamik aalatitsisarneq oqallisigeereerlutigu taamaakkaluartoq soraarsitsineq suleqatigiinnikkut ajornartorsiuteqarnermut allangortinnialerpaa, "soraarsitaagin-navinnissarali" neqeroorutigalugu, taamaaliornikkut suut tamaasa puiguinnarlugit aniinnarsinnaallunga.

Naggataatigut eqikkaalluni oqarpoq "perorsaanermik ilinniagaqarsimasutut nali-liinini malillugu" soraarsittariaqarlunga.

Ullut marluk qaangiuttut meeqqanit F-imcersunit sianerfigineqarpunga, taakku uannik ilassinneqqusaajunnaarnertik, uannut akuersaanngitsumik pissusilersoqqu-saanertik mamiatsaatigisimavaat, ussiiniutininngooq atuisinnaagama, takkuteqqis-sagalarumalu politiit aggeqquneqassasut.

Meeqqat upperinngisaannik salloqittarniarneqarnerat naammassimannigilaq, F-imi klubrâdi soraarsitaanera pillugu apeqquteqarsimavoq, ataatigullu atsiorsimasoq ittuujuingaarami oqarsimasoq pissutaasut ilagigaat klubbimi ilaasortat ilaannik ato-qateqarsimanera, taamatut pasilliineq sallunerulluinnarpoq, taassuma allallu tamar-mik tamanna nalunngilaat, tamatumalu sallusumik pasilliineq tunngavigalugu so-raarsinneqarninnut ilapittuutaasimanera ingassappallaaqaaq.

Inatsisit naapertorlugit isigalugu F-imi pisortatut aamma ... ungdomsklubbimi immikkoortorta qarfirmut pisortatut inatsisit atuuttut pinerluttulerinermillu inat-simmi atuuttumi § 71 malillugu atorfirminnik atornerluisimanerminnut eqqartuus-saasinnaapput.

Taakku marluullutik ittuujueqalutik oqallisigalungalu kanngunarsarsimavaannga akuerineqarsinnaasut qaangerujussuarlugit, soraarsinneqarneralu naammattumik su-liarineqanngimmat suliffinnut uteqqinnissara piumasaraara, qanorluunniit nuannari-neqanngitsigigaluaruma, sulinermi meeqqanut tunngammat inersimasullu akornanni pissutsinut tunnganani.

..."

Ingerlatsivik A-mut 10. november 1994-imi imatut allappoq:

"Manni KUF-imi ataatsimiinnitsinni oqarasuaatiknullu isumaqatigiissutigisima-satsit naammagittaalliuutit 17.10.94-imeersoq matumuuna akissuteqarfignissavara.

Ilinnik soraarsitsisimanerminut tunngavigisimasaminik allakkatigut itisilereqqul-lugu ... qinnuigisimavara. ...mi pisortap unnerluussissutai allakkatigut upernarsaq-qullugit sulisut aamma qinnuigisimavakka. Immikkoortut taakku ilanngullugit nas-siuppakka, taamaalillutit suut isornartorsiorneqartut illit nammineq takusinnaassa-

gakkit. F-imii sulisut arfineq-marluk allagaq atsiorsimavaat, tamannalu soraarsinneqarnerpit eqqortumik iliorneruneranik ingerlatsiviup isiginnittariaqarneranut pissutaavoq. F-imi sulineq tamaat ...-mi pisortap akisussaaffigaa, taamaallunilu uparuarimasani malinneqanngippata soraarsitsisisoqarnissaanik inassuteqaateqarsinnaati-taalluni."

Suliami kommunip paasissutissiissutigisai malillugit allakkat sulisut oqaaseqaataasa atsiorneqanngitsut assilinerannik ilanngussiffigisaapput.

Tamatuma kingorna A K kommunimi kommunalbestyrelsimut ilaasortanut tamanut ingerlatitamik 14. januar 1995-imi allagaqarluni naammagittaalliuutigisami naliliiffigeqqinneqarnissaanik qinnuteqarpoq (K kommunimi nutserneqarsimavoq):

"Soraarsitaagamali saaffigisarsimasaraluanniit naammaginngitsumik pineqartarsimanagera ingerlariaqqiffissaarummat, paasitinneqaramalu soraarsitaanermut allagartap kommunep meeqqanik inuusuttunillu sulliviutaani sulisinnaajunaartissimaganga, iliuseqarsinnaasutut kingullertut saaffigaassi.

Erseqqissaatigeqqaarlara naammagittaalliuutigisimasanni titarnertaaq kingulleq sulilinnikkallaramali KUF-imi ilisimaneqarluarmat, taamaammat KUF-imiit naammaginninnikkuma ingerlatitseqqeqqusinerigaluaq kinguneqarsinnaasutut upperiffissaqartinngilara, soraarsitsinermi aamma tunngavilersuutinik nassuiaassinermi atsioqataasimasut akornanni suleqatigiinneq silaannaluppallaqimmat.

Tunngavilersuutinik nassuiaassinermi allakkiami akisuunik tunissuteqartarsimannermik imaqartumi pineqartoq ilisimalluarpara, pineqartullu arnaa aperineqaqqaarnikuuvoq taamaaliorinnaanermik akuersisinnaanersoq; aamma aatsaat taamaaliumlingilanga, meeqqalli angajoqqaavi aperineqaqqaartarput, inuusuttullu allagarsiitigigajupput avatangiisiminni qiimmassaagajuttutut maligassiuilluartutullu qiimmassaaserneqarlutik, Aamma akisoqqaanngillat isumaa pingaarnerulluni.

Nassuerutigissavara soraarsitaanerma kingorna aatsaat meeqqanik pulaartoqartalerama, sukcornermillu nappaateqarnera pissutiginerullugu sulinerma nalaani arlaannik pillikujunnissara akissaqarfigiuarsimavara, tunngavilersuutit sinnerini qanoq "qatsersimallungalu aqagutaarfigisimanerpaannga".

Sulilinnikkallaramali meeqqat inuusuttullu massakkumut qitiinnavipput. Soraarsitsisutut aamma tunngavilersuutinik nassuiaassinermi atsioqataasimasut qitimik takutitassiorluni sungiusaasarnerni sivisunerusumik malinnaanngisaannarput, tamatigullu meeqqat aqqanilinnit ikinnerunngitsut sungiusartarlutik isiginnaaginartullu amerlanerusarlutik; psykologi-mik nuannaartorisarsornerusoraara sungiusaasarninni piumasama aamma tunniussinnaasama akornanniittut suliariniarlugillu eqqarsaatiginiartillugit nassuiaassinermi allakkiamisut pissuseqartinniassallunga.

Soraarsitaanerma kingunerisaanik pissusissamisunngilluinnartumik meeqqat angajoqqaavi nassuiaaffigineqarnikuupput meeqqat naammagittaalliorsimanagera kingunerisaanik, takorloorsinnaavaralu angajoqqaat qanoq uukapaasiarineqarsimannissaat, qujaruppakkalu pulaartartut angajoqqaavi utoqqatsillungalu angajoqqaat allat taamatut salluliorfigineqarsimammata; meeraataammi naapikkaangakkit nalligisaqaakka.

Suli sulerusoqaanga sulisinnaalluaraluarlungalu pilersaaruteqaraluaqaanga, naak sulliviginngikkaluarlugu ullumikkumut ...-mi diskotekertoqartillugu appisimaarti-taasarlungalu meeqqanik inuusuttuaqqanillu qitinnermik sungiusaatitaasarpunga, ullullu tamaasa meeqqat inuusuttullu naapittuartaappakka pulaanngikkaangatalu unngiaani illoqarfimmi aneertut sammisassarsioqatigisarlugit.

Soraarsitaanerma kingorna ajunngitsunik ajortunillu paasisaqaqaanga meeqqanik inuusuttunillu sullisserusunninnik minnerulersitsinngitsunik, pineqarsimanageralu assut tujormigalugulu nikallorsaatiginikooqaara pitsaanerpaamik sunniuteqarluartumillu sullissinnaanera meeqqanilu inuusuttuniimmat, assullu arlaatigut iluarsineqarnissaa kissaatigaluarlugu; eqqartuussivik sulilersitseqqissinnaannginnerarmat sulleqatigiinnerooq sequmereermat unitsiinnarnikuuaara, personalkontor ikiuinissani unitsippaa meeqqat qissassimasut tusarlugillu, socialkontor qanga kingullermik akissarsisimaninnik paasinnikkusuppoq suliffissarsiuussisarfillu meeqqanik inuusuttunillu innersuussinngiinnartarnissamik aalajangerluni.

...
Neriullunga arlaatigut iliortoqarsinnaassasoq puioruminaannermik pisimasoq meeqqanillu pulaarneqartuarnera eqqarsaatigisarnermik..."

Kommunip kultureqarnermik sunngiffimmilu sammisassaqtitsinermik ingerlatsivianit kommunip akissarsialerinermit sulisoqarnermullu immikkoortortaarfianut LPA-mik taagorneqartumut 1. marts 1995-imi allakkiaani A-p akissutaa pillugu imatut allassimasoqarpoq:

"Kultureqarnermut atuartitaanermullu ingerlatsivik A-p allagaanut 14.01.95-imeersunut annertunerusunik oqaaseqaatissaqaanngilaq.

... F-imi suliuunaarsimavoq, taamaattumillu suliassaq annertunerusumik qulaa-jaqqinneqarsinnaanani. Ingerlatsivillumi aamma isumaqarpoq A-p allagai nutaamik naliliinissamat pissutissaqalersitsinngitsut, taamatuttaarlu F-imi pisortaagallartup sulisuisalu A-p atorfinitseqqinneqarnissaa kissaatiginagu.

Taamaattumik ingerlatsiviup LPA qinnuigissavaa A nalunaarfigeqqullugu naammagittaalliuutaa suliassaq soraarsitaaneranut tunngasoq suliareqqiinissaanut pissutissaqalersitsinngitsoq."

Tamatuma kingorna kommunip akissarsialerinermit sulisoqarnermullu immikkoortortaarfiata A-p suliareqqiinissamik qinnuteqaataa 15. marts 1995-imi imatut itigartippaa:

"Ilinnut ilisimatitsissutitut K kommunip akissarsialerinermit sulisoqarnermullu immikkoortortaarfiata matumuuna nalunaarfigissavaatit naammagittaalliuutit F-imit soraarsinneqarnerpit suliareqqinneqarnissaanut pissutissaqalersitsinngitsoq."

Suliaq pillugu kommuni Atorfeqarfimmut 11. november 1996-imi imatut nassuiaateqarpoq:

...
Kommuni isumaqarpoq Ilinnit nassuiaatigeqquneqartoq suliame allagaatini takuneqarsinnaareersoq, kisianni immikkoortunut ataasiakkaanut amerlanerusunulluunniit annertunerusunik oqaaseqaateqartoqarnissaa kissaatigineqarpat, tamanna inussiarnersumik nalunaarutigeqquneqarpoq, tamatumalu kingorna nassuiaat/nassuiaatit kissaatigineqartut soorunami tunniunneqarumaarlutik.

"Tunngavilersuisussaatitaaneq" eqqarsaatigalugu kommuni isumaqarpoq allakkani 15. marts 1995-imeersuni siusinnerusukkut nalunaarutigineqarsimasoq naammattumik erseqqissusilimmik innersuussutigineqarsimasoq, taamaattumillu tunngavilersuisussaatitaaneq taamaalilluni eqqortinneqarsimalluni. Aammattaaq kommuni isumaqarpoq uani pineqartumi ingerlatsiviup aalajangiinera nutaaq pineqanngitsoq, pineqartorli tassaalluni siusinnerusukkut aalajangiinermut innersuussineq/aalajangiinermik aalajangiussisimaneq."

Soraarsitsineq sioqqullugu A-p illua'tungerisatut isumaanik tusarniaavigineqarsimanersoq pillugu apeqqummut kommuni 10. februar 1998-imi ilassutaasumik imatut oqaaseqaateqarpoq:

"...

28. september 1994-imi soraarsitsineq pillugu aalajangiineq sioqqullugu A-p illua'tungerisatut isumaanik tusarniaasoqarsimanersoq kommuni maanna misissuereersimalerpoq. Kommuni isumaqarpoq soraarsitsineq sioqqullugu A-p illua'tungerisatut isumaanik oqaasiinnakkut taamaallaat tusarniaasoqarsimasoq. F-ip pisortaa soraarsitsineq pillugu allakkani 28. september 1994-imi ullulerneqarsimasuni immikkoortut aappaanni A-p soraarsitsinermut pissutaasoq pillugu siusinnerusukkut siunnersorneqarsimaneranut ilitsersorneqarsimaneranullu innersuussuteqarpoq. F-ip pisortaata taamatut siunnersuisimanagera ilitsersuisimanageralu naammagittaalliuuteqartup illua'tungerisatut isumaanik oqaasiinnakkut tusarniaasimanertut kommunimit isigineqarpoq. Soraarsitsineq sioqqullugu A-p illua'tungerisatut isumaanik allakkatigut tusarniaasoqarsimannginnera assortorniarneqanngilaq. F-ip pisortaata allatugaanik pineqartulluunniit isumaanik tusarniaalluni allagaanik nassaarnissaq kommunimut ajornarsimavoq.

Soraarsitsinermut pissutaasoq pillugu siunnersorneqarsimanini ilitsersorneqarsimaninilu A-p aamma miserratigisimanngilaa, tassami soraarsitaanerminut tunngavilersuutigineqartoq pillugu naammagittaalliuutimini immikkoortut aappaanni soraarsitsinermut tunngavilersuutaasoq pillugu siusinnerusukkut siunnersorneqarsimanini ilitsersorneqarsimaninilu nammineq eqqartormagit.

..."

Kommunip 10. februar 1998-imi oqaaseqaataa A-p 12. maj 1998-imi imatut oqaaseqaateqarfigaa:

"...

28. september 1994-imi soraarsitaanera pillugu isumannik tusarniaasoqaraniluunniit soraarsitsineq annertunerusumik soqutigineqanngilaq. Allaammi saaffigininnerma kingorna suliassap malersorneqarnissaa kissaatigineqaraniluunniit suliassamik qanoq iliorlunga ingerlatitseqqissinnaanersunga siunnersuuteqartoqanngilaq.

Ilisimasakka malillugit F-imi pisortaq soraarsinneqarnissannut pissutaasunik ilisimasaqanngilaq, taamaattumillu suliassamut tunngasumik susimananiluunniit.

Taamaallilunga suliassaq pillugu allannissannulluunniit periarfissinneqanngivissimavunga."

Tamatuma kingorna oqaaseqaateqarsimavunga:

"A-p soraarsinneqarnissaanik 28. september 1994-imi aalajangernermut:

Pisortani atorfeqartup soraarsinneqarnissaanik aalajangerneq ingerlatsineq pillugu inatsisitigut aalajangiineruvoq. Atorfeqartoq tamatuma kingorna ingerlatsinermut inatsisitigut inatsisit naapertorlugit innarlitsaalineqarnermut qularnaveeqqutaasunit, ingerlatsiviup aalajangiinerinut nanertuutaasunut attuumassuteqartunit, illersugaalersarpoq.

Inatsisit naapertorlugit innarlitsaalineqarnermut qularnaveeqqut taamaattoq assersuutigalugu tassaavoq nanertuutaasumik aalajangiisoqannginnerani suliassaq naammattumik paasisutissalersorneqarsimassa-

soq. Suliassaq naammattumik paasissutissalersorneqarsimanngippat aalajangiineq aallaavittut atorsinnaassanngilaq.

Kisiannili suliavit ersinngilaq A suleqatigiinnikkut ajornartorsiutit imaluunniit sulinerminut atatillugu unioqqutitsisimaneq pissutigalugit soraarsinneqarsimanersoq.

Paasissutissalli pigineqartut aallaavigalugit sulinermit atatillugu unioqqutitsisimaneq tunngavigalugu soraarsitsisoqarsimaneq tunngavigisariaqarpara, tassalu A meeqqanut F-imiittartunut tiinganiarnertut paasineqarsinnaasunik pissusilersortarnermigut iliuuseqarsimasoq.

F-imi pisortaq A-mut tunngavilersuutimini pissutsit ataasiakkaat erseqqinnerusumik suussusii taanagit innersuussutigai, oqarlunilu pissutsit taakkununga assingusut pisortap siornatigut A-mut isornartorsiutigini-kuugai.

Kisiannili suliavit soraarsitsineq sioqqullugu piffissamut tunngasumik paasissutissaqanngilaq pisut taakku qangarpiaq pisimanerannut paasissutaasinnaasunik, meeqqat kikkut taamatut pineqarsimanersut, pissut-sillu taakku kia uparuarsimanerai, uparuaasimaneq ataaseq soraarsitsi-nermi innersuussutigineqartoq eqqaassanngikkaanni.

Taamatut ataasiarluni uparuaaffigineqarsimanini A-p nassuerutigisi-mavaa, naammagittaalliuutigisamili naliliiffigineqaqqinnissaanik kom-munimut qinnutigisamini ullulerneqarsimanngitsumi, siuliini issuaavigi-neqartumi, oqarluni taamatut uparuartuiffigineqarnini malissimallugu.

Taanna tunngavigereerlugu suliaq ima amigartigisumik paasissutissa-lersorneqarsimasutut isigisariaqarpara, allaat soraarsitsinermut tunngaviusorpiq nalorninartuulluni.

A-p F-imi siusinnerusukku suleqatigisimasaasa allakkatigut nassui-aateqarlutik oqaaseqaataat marluk oqaatigineqartut malillugit A-p so-raarsitaanerata kingorna kommunip piumasqaateqarneratigut oqaase-qaatigineqarsimapput, pisimasunullu suussusiisigut imaannaq ilisarine-qarsinnaasunut innersuussinatik, taamatuttaarlu pisimasut eqqartorne-qartut taakkua kinguninnguatigut nalunaarutiginninnernik allattukkanil-luunniit allanik suliavit allattorneqarsimasunik uppernarsaasersorne-qarsimanatik.

Taamaattumik sulisut oqaaseqaataasa taakkua A-p soraarsinneqarne-rani tunngaviusup nalorninartuuneranik isumaga allanngortissinnaan-ngilaat.

A-p naammagittaalliuutigisami naliliivigeqqinneqarnissaanik kommu-nalbestyrimut ilaasortanut 14. januar 1995-imi qinnutigisamini meeqqat ilaannut tunissutinik tunioraasarsimanini nassuerutigaa.

Kisiannili tamanna 28. september 1994-imi soraarsitsinermut tunnga-vilersuutaasuni ilanngunneqarsimanngilaq, taamaattumillu pisut taakku pissutigalugit A soraarsinneqarsimasinnaagaluarnersoq naliliiffigissan-ngilara.

Naak sulisut oqaaseqaataanni marlunni taakkunani A-p soraarsinneqarneranut F-ip pisortaata tunngavittut nalunaarutigisaanitut F-imi meeqqanik tiingaviginninniartutut attuualarinerit iliuutsillu allat tiinganiarnertut paasineqarsinnaasut eqqartorneqaraluartut, pisut taakku nalinginnasumik oqariaaseqarluni allaaserisaapput, oqaatigineqareersutullu suliami allagaatitigut allatigut uppernarsaasersorneqarsimantik, tamakkulu sulisut oqaaseqaataasa uppernarsaatitut qanoq naleqasuseqarnerisa qularnartoqarnerannut pissutaapput.

Ataatsimut eqikkaallunga isumaqarpunga suliami allaganngorlugit erseqqissumik uppernarsaasersuisimannginneq immiini soraarsitsinermitunngaviusumik qularutiginnilersitsilluarsinnaasoq.

Suliami naammaginangitsumik uppernarsaasersuisimaneq isornarlunnartuusoraara.

Isornartorsiuinera A-mut pasilliutinut imaannaanngeqisunut soraarsitsinermitunngaviusimasunut atatillugu aamma isigineqassaaq, tassami pisimasut allaaserineqartut inunnik tamanik eqqarsalersitsisinnamata A pinerluttulerinermit inatsisip § 53-iata imaluunniit 56-iata piliarisat pillugit imarisaanik piviusunngortitsimasoq.

Pisortani sulisup suliaminut atatillugu pisut taaneqartutut ittut iliuuserisimallugit pasillerneqartoq ingerlatsiviup paasiguniuk, ingerlatsivik pisut taaneqartut erseqqinnerusumik misissuiffigissaannut pisussaaffeqarpoq, pasineqartumut namminermit isumannaarsuutitut taamatullu innuttaasut isumannaallisaavigineqarnissaat eqqarsaatigalugu.

F-imi pisortaasut aamma kommunimi ingerlatsiviup suliambut matumunnga atatillugu suliap ingerlasimanerata qulaajarniarneqarnissaannut pisussaaffitsik sumiginnarsimavaat.

Suliap sularineqarnerata nalaani soqutigisaminik A-p ingerlatsinisaminut periarfissaqarnera pillugu makku oqaaseqaatigaakka:

Pissutsit atorfeqartinneqartumut assuarliutigineqarnerat pissutigalugu qinnuteqaataanngitsumik soraarsitsinerit pillugit sulianni inatsisitigut najoqqutassaalluni tunngaviusoq imaattoq atuuppoq, tassalu atorfeqartitaq suliami pisimasuinuunnaanngitsoq aammattaarli oqartussat suliamik paasinninnerannut tunngasunik tusarniaavigineqartussaasoq, matumunnga ilanngullugu pissusiviusut inatsisinut sorlernut tunngatinneqassanersut, oqartussaasullu uppernarsaatissatigut naliliinerannik.

Illua'tungerisap isumaanik tusarniaasussaataitanermik sumiginnaaneq suliap naammattumik paasissutissalersorneqannginneranut takussutissaavoq, taamaattumillu aalajangiineq aallaavittut atorsinnaassanani.

Suliami pineqartumi matumani kommuni ilisimatitsivoq A F-ip pisortaata "siunnersuineratigut ilitersuineratigullu" suliami illua'tungiusutut isummaminik tusarniaavigineqarsimasoq, tusarniaanerlu taanna F-imi pisortap soraarsitsineq pillugu naammagittaalliuuteqartumut nalunaa-rutaani oqaatigineqarsimasoq.

Taamatut isumaqarneq isumaqatiginngilara.

Soraarsitsineq pillugu allakkani "niviarsiaqqanut ukiukinnerusunut eqqortumik pissusilersorneq" eqqarsaatigalugu A-p siusinnerusukkut siunnersorneqarsimanerata ilitersorneqarsimaneratalu taaneqarnera soraarsitsinissamik eqqarsaateqarnermut atatillugu ilitersuinertut paasineqarsinnaanngilaq. Aammattaaq A-p "siunnersorneqarneranut ilitersorneqarneranullu" atatillugu takuneqarsinnaanngilaq suliami pisimasuiit inatsisitigullu tunngaviit oqaaseqaateqarfigissallugit periarfissineqarsimangersoq.

Tamatuma kingunerisaanik isumaqarpunga illua'tungerisap isumaanik tusarniaanissamut malittarisassat suliami matumani A-mik soraarsitsineq sioqqullugu qimerloorneqarsimanngitsut.

Aammattaaq suliap naammaginangitsumik paasissutissalersorneqarsimanagera eqqarsaatigalugu, takuuk siuliini oqaaseqaatika, A-llu kommunimut allakkatigut saaffiginnissutaa F-imi meeqqanut pissusilersor-nini pillugu "siunnersorneqarnermi ilitersorneqarnermilu" kingorna F-imi sulisutut pisussaaffimminik sumiginnaasimaneragaanermik assortuineratut paasineqarsinnaammat, tamatumunnga peqatigitillugu isumaqarpunga oqaatigisariaqarlugu A soraarsitsineq sioqqullugu oqaaseqaateqarnissaminut periarfissineqarsimasuuppat suliaq qanoq inerneqarsimassagaluanersoq nalorninartoqartutut isigigiga.

Taamaattumik eqqikkaallunga isumaqarpunga 28. september 1994-imi soraarsitsineq sioqqullugu A-p suliami illua'tungiusutut isumaanik tusarniaanngitsoornermik kukkuluttuuteqarnerup kingunerigaa aalajangiineq atorsinnaanngitsaq.

Kommunip soraarsitsineq sioqqullugu A-p suliami illua'tungiusutut isumaanik tusarniaasimannginnera isornartuusoraara.

Allattuisussaataaneq pillugu makku oqaatigissavakka:

Pisortat ingerlatsinerat pillugu paasitinneqarsinnaatitaaneq pillugu inatsimmi nr. 280-imi, 10. juni 1970-imeersumi, A-mik soraarsitsinerup nalaani atuuttumi, § 4 malillugu ingerlatsivik paasissutissavinnik suliap aalajangiivigineqarnissaanut annertuumik pingaaruteqartunik oqaasiinnakkullu pissarsiarineqartunik ingerlatsivik allattuisussaavoq.

Malittarisassakkut tassuuna qulakkeerniarneqarpoq pisortat suliamilu illua'tungiusut paasitinneqarsinnaatitaanerannik qalliinnarsiortunngoritsoqannginnissaa, oqartussaaffiup paasissutissanik oqaasiinnakkut pissarsiarineqartunik suliamik suliaqarnermini ilanngussineratigut. Aammattaaq allattuisussaataaneq Ombudsmandip oqartussallu allat ingerlatsivimmik nakkutilliinerata qulakkeernissaanut pisariaqartuuvoq.

Taamattaaq suliami allattukkat taamaattut uppernarsaasersuinermi pingaaruteqarsinnaapput.

Naammagittaalliuut pillugu suliami matumani pissutsit A-p soraarsineqarneranut tunngaviusut pillugit allattukkatigut uppernarsaasersorneqarsimanagerat takuneqarsinnaanngilaq.

Isumaqarpunga naammagittaalliuuteqartup pissusissamisuumngitsumik pissusilersornera pillugu sulisunit, angajoqqaanit meeqqanilluunniit nalunaarutigineqartut allattornissaannut F-i kommuniluunniit qularnaateqanngitsumik pisussaaffeqarsimasut, A-p pissusilersornera sulinermut atatillugu unioqqutitsinertut isikkoqarsimappat.

Suliap naammaginangitsumik paasissutissalersorneqarsimanera pillugu oqaaseqaatigisannut nangissutitut pissutissaqarpunga immikkut oqaatigissallugu pisortat allattuisussaataitanermik pisussaaffeqarnerminnik eqqortitsisimanginnerat soraarsitsinermi tunngavittut taaneqartup uppersaatitut naleqassusianut sakkukillisaataasinnaasoq.

Allattuisussaataaneq pillugu pisortat ingerlatsineranni paasitinnerqarsinnaatitaaneq pillugu inatsisip malittarisassartaata saniatigut ingerlatsinermi ileqqorissaarnissap malitsigaa iliuuseqarnerit suliap suliarineqarneranut pingaaruteqartut tamarmik ingerlatsivimmit allattorneqassasut.

Taamaattumik sammisassaqaartitsinermi pisortaasut ingerlatsinermi ileqqorissaarnissamut akerliusumik iliuuseqarsimapput soraarsitsinermut tunngavilersuutitut innersuussutigineqartuni A-p "ilitsersorneqarnera" ilanngullugu allakkiutigisimanginnamikku.

Tamakku saniatigut ingerlatsineq pillugu inatsisini tunngaviuvoq sulisunut nanertuutaasumik aalajangiinerit allaganngorlugit pigineqartassasut. Taamaattumik soraarsitsinermik tunngavilersuineri A-p "ilitsersorneqarsimaneranik" innersuussineq atorfimmi naalasseriitsuliorneq pillugu mianersoqqusinertut imaluunniit atorfimmi naalasseriitsuliornermut taassumunnga assingusumut pineqaatissinertut isigineqassasoq eqqarsaatigineqarsimappat, tunngaviusoq qulaani taaneqartoq aallaavigalugu "ilitsersuineq" taanna ingerlatsiviup allaganngorlugit nalunaarutigisimasariaqaraluarpa.

Suliap imaannaangitsumik pissuseqarnera pissutigalugu allattuisussaataitanermik pisussaaffiup eqqortinneqarsimanginnera pillugu immikkut isornartorsiullunga oqaaseqarnissannut pissutissaqarsoraara.

A-mik soraarsitsinermut tunngavilersuutigisaq pillugu oqaaseqarpunga:

Suliassat suliarineqartarnerat pillugu inatsimmi § 24 imm. 1 aamma imm. 2 malillugit aalajangiineq minnerpaamik makkuninnga imaqaartinneqartussaavoq:

"Imm. 1. Aalajangiinermut tunngaviusumik nalunaarummi innersuussutigineqassapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat tamakkua atonerannut aalajangiisuunerusut.

Imm. 2. Tunngaviusumik nalunaarummi pisariaqarpat naatumik erseqqissarneqassapputtaaq paasissutissat suliame pissusiviusunut tunngasut aalajangiinermi anertuumik pingaartinneqartut."

Aalajangiinerup tunngavilersuuteqartinnissaanut pisussaaffeqarnek inatsisitigut najoqqutassaasumik tunngaveqarnermut, suliassat suliarineqartarnerat pillugu inatsisip 1995-imi januarip aallaqqaataani atuutilinnginnerani aalajangiinernut nammakkersuutaasumik pissusilinnut atuuttumut ersiutaavoq. Suliaq manna eqqarsaatigalugu tamatuma nasataraa, A suleqatigiinnikkut ajornartorsiutit tunngavigalugit atorfimmi luunniit naalasseriitsuliorneq pissutigalugu unioqqutitsineq tunngavigalugu soraarsinneqarnersoq.

28. september 1994-imi unnukkut soraarsitsinermut atatillugu F-ip pi-sortaanik oqaloqateqarsimanini pillugu A-p oqaatigisai, ingerlatsivimmit assortorneqanngitsut, tunngavigalugit isumaqarpunga soraarsitsinermut tunngavilersuummi erseqqissumik oqaatigineqanngitsoq, soraarsitsineq pissutsinik naliliiffigisariaqartunik imaluunniit atorfimmi naalasseriitsuliornermut tunngasunik pissuseqarnersoq.

Aammattaaq tunngavilersuinermi isumaqatigiissummi A-p atorfinit-sinneqarnerani atuuttumi soraarsitsinissamut piffissaliunneqartut pillugit malittarisassat innersuussutigineqarsimasariaqaralarput, taamatuttaarlu isumaqatigiissutit malillugu nalinginnaasumik piffissaliunneqartut saneqqunneqarnissaat pillugu nassuiaasoqarsimasariaqaralarluni.

Tunngavilersuisussaataitanermik pisussaaffeqarnerup immikkoortuanut, suliassat suliarineqartarnerat pillugu inatsisip atuutilernerata kingorna allaaserineqartumut tassunga tunngasumik suliassat suliarineqartarnerat pillugu inatsimmi § 24, imm. 2-mut, atatillugu oqaaseqaatigaara, soraarsitsinerup tunngavia pillugu aallarnisaataasumik oqaaseqaatikka innersuussutigalugit, pissusiviusut soraarsitsinermut tunngaviusut allaaserineqarneranni ima tigussaannngitsigisutut allaaserineqarsimasut, aallat taakku A-p soraarsitsinermi tunngavigineqartunik erseqqissumik paasitinneqarnissaanut atorineqarsinnaanatik. Taamaattumik ingerlatsiviup ingerlatsinermut inatsiseqartitsineq malillugu tunngavilersuuteqartussaataitanini eqqortissimanngilaa, tassami tunngavilersuineq sukumiisuullunilu tamakkiisuusussammaat.

Atorfeqartitsinermik atorunnaarsitsineq pillugu suliame tunngavilersuisussaataitanerup eqqortinneqarsimannginnera isornartuusoraara.

A-mik soraarsitsineq pillugu eqikkaallunga oqaaseqaatikka:

Soraarsitsineq oqaatigineqareersutut illua'tungerisap isumaanik tusarniaasoqarsimannginnera pissutigalugu atorsinnaanngimmat, suliamilu pissusiviusut aamma nalorninartortaqaarmata kiisalu taakkununnga ilanngullugu soraarsitsinermut atatillugu suliap suliarineqarnerani kukkusogarsimammatt, tamatumunnga atatillugu qanoq iliuuseqarniarnerminik nalunaaruteqaqqullugu kommuni qinnuigaara.

A-p naammagittaalliuutigisami naliliiffigeqqinneqarnissaanik qinnuteqarneranik 14. januar 1995-imeersumik kommunip suliaqarnera pillugu oqaaseqarpunga:

A-p ingerlatsivimmut allakkamini ullulerneqarsimannngitsuni, oqaatigineqartut malillugit 17. oktober 1994-imi tunniunneqartuni, naammagittaalliuutigisamilu naliliiffigeqqinneqarnissaanik qinnuteqaatimini 14. januar 1995-imeersumi suliami pissusiviusut pisunut pissutaaqataasut pillugit isummaminik saqqummiussivoq.

Aammattaaq A-p soraarsinneqarnerata kingorna F-imi sulisut A-p suliffimmi pissusilersorneranut isummatik pillugit marlunnik oqaaseqaateqarput.

Taamaalilluni soraarsitsinermi paasissutissiissutigineqartunut sanillussilluni suliami paasissutissanik nutaanik saqqummersoqarpoq.

Taamaattumik suliami paasissutissat nutaat taakku aalajangiinermi tunngavisorpianik allannortitsisinnaanerat tamatumalu kinguneranik suliap suliareqqinneqarsinnaaneranut tunngavissaqalernersoq kommunip isummerfigisimasariaqaraluarpa.

Isornartuusoraara A-p naammagittaalliuutigisami naliliiffigeqqinneqarnissaanik qinnuteqaateqarnerani suliami pissusiviusut pillugit paasissutissanik nutaanik saqqummertoqarnersoq kommunip naliliiffigisimannngimmagu.

A-p naammagittaalliuutigisami naliliiffigeqqinneqarnissaanik qinnuteqaataata itigartinneqarnera pillugu oqaatigaakka:

Suliap nangeqqinneqassaneranik aalajangerneq suliami pissusiviusunut tunngassuteqarpoq, taamaattumillu immikkut aalajangiinerulluni suliasat suliarineqartarnerat pillugu inatsimmi pineqartunut ilaatinneqartog.

Taamaattumik kommunip 15. marts 1995-imi aalajangernerata ingerlatsivimmi aalajangiinerunnginneranik kommunip 11. november 1996-imi oqaaseqaatimini oqarnera isumaqatiginngilara.

Taamaattumik isornartuusoraara suliap nangeqqinneqarnissaanik itigartitsinini kommunip tunngavilersorimannngimmagu.

Suliami aallaqqaammut aalajangiineq atorsinnaannngitsutut isumaqarfigigaluarlugu taamaattoq A-p naammagittaalliuutigisami naliliiffigeqqinneqarnissaanik qinnuteqarneranik kommunip itigartitsinera pillugu annertunerusumik iliuuseqaqqissanngilanga.”

Ukiup nalunaarusiuunneqartup naanerani kommunip aalajangiineq atorsinnaannngitsoq taanna pillugu qanoq iliuuseqalersaarnanik nalunaarfigeqqullunga kommunimut qinnutigisaqanera suli paasinarsisinnegarsimannngilaq.

32-3 Perorsaasunik isumaqatigiissut malillugu immikkut akuersisuteqarnissaq pillugu suliamik Sulisoqarnermut Pisortaarfup suliaqarnera.

A-p, inunnik isumaginninnermi siunnersortitut ilinniarsimasup, naammagittaalliuutigaa Namminersornerullutik Oqartussat suliffeqarfiutaanni immikkut akuersisuteqarnikkut perorsaasunik